



**GEDIG VOORDRAG KOMPETISIE.**

**2024**



## **GRAAD 11 & 12 GEDIGTE:**

### **HIPPIE**

Hy groei  
plantaardig uit 'n stoel voor 'n kafee.  
'n pers flap, na binne luisterend, na  
voetstappe in die kelk, muskietsag,  
geslote gemoed met reis om homself.

Hy slaan  
'n pap handsak oor sy fraiingskouer.  
Om huisie se kombuise binne te val  
sommer saam met die son en die vlieë.  
Om gestrand te raak op die rand  
van 'n stoep, voete in die malvas.  
Tot ontsetting van die tuinspinnekop.

Hy onthou  
die sinkomheinde werf waar uitgepofte  
hoenders slaap om 'n verbitterde bloekom.  
Baie oumense dut daar. Hulle kraak.  
Hulle oë gaan oop soos kwaste in hout,  
en sien nie die hobbeltjie kind wat die pad  
vat wat wip oor die blindewit duine  
en kring om die pofadder se juwelehuis  
van sewejaartjies: kleislang in 'n kindertuin.

En voort  
duimgooi hy na miskien 'n genommerde  
kamer met 'n Gideonsbybel, miskien die ru  
bouval van 'n malman op 'n afgrond, of die  
binnevlerksagtheid van 'n woud.

En hy skiet  
ghrieskleurige hare uit 'n apostelgesig  
en loop om die tyd in te haal  
wat hom vergeet het.

*Wilma Stockenström*

**BESOEK**  
**[WWW.NUKLEUS.CO.ZA/KULTUUR-KOMPETISIES](http://WWW.NUKLEUS.CO.ZA/KULTUUR-KOMPETISIES)**  
**OM IN TE SKRYF**





**GEDIG VOORDRAG KOMPETISIE.**

**2024**



## **LASLAPPIE-KOMBERS VAN MY LEWE**

Flenters en fragmente  
stukkies en brokkies

Elke dag  
borduur mense aan my lewe  
stekie vir stekie  
word flentertjie lap  
aanmekaar geflans  
tot malse skakering  
laslappiekomers

Elke stukkie lap  
van weinig belang  
Elke lappie  
saam vasgewerk  
kaleidoskoopkleur.

Aan die einde  
warm kombers  
knus om my gevou  
wanneer Hy  
vir my  
in die Grootpad staan

Eers dan  
kyk  
sien ek  
my lewe  
tot nou...

Groot purper lappe  
wanhoopstye  
Oorskadu  
deur vlamrooi blydschap  
vreugdevure.

Tussenin  
klein stukkies  
die wolke altyd bietjie voor die son –  
en ek ten spite van die reën kon lag

En jy sal lag

*Lina Spies*

**BESOEK**  
**[WWW.NUKLEUS.CO.ZA/KULTUUR-KOMPETISIES](http://WWW.NUKLEUS.CO.ZA/KULTUUR-KOMPETISIES)**  
**OM IN TE SKRYF**





**GEDIG VOORDRAG KOMPETISIE.**

**2024**



## **DIE BEITELTJIE**

Ek kry 'n klein klein beiteljtjie,  
ek tik hom en hy klink;  
toe slyp ek en ek slyp hom  
totdat hy klink en blink.

Ek sit 'n klippie op 'n rots: -  
mens moet jou vergewis:  
'n beitel moet kan klip breek  
as hy 'n beitel is -

ek slaat hom met my beiteljtjie  
en dié was sterk genoeg:  
daar spring die klippie stukkend  
so skoon soos langs 'n voeg:

toe, onder my tien vingers bars  
die grys rots middeldeer  
en langs my voete voel ek  
die sagte aarde skeur,

die donker naat loop deur my land  
en kloof hom wortel toe -  
só moet 'n beitel slaan  
wat beitel is, of hoé?

Dan, met twee goue afgronde  
val die planeet aan twee  
en oor die kranse, kokend,  
verdwyn die vlak groen see

en op die dag sien ek die nag  
daar anderkant gaan oop  
met 'n bars wat van my beitel af  
dwarsdeer die sterre loop. ~

*N.P. van Wyk Louw*

**BESOEK**  
**[WWW.NUKLEUS.CO.ZA/KULTUUR-KOMPETISIES](http://WWW.NUKLEUS.CO.ZA/KULTUUR-KOMPETISIES)**  
**OM IN TE SKRYF**

